



# 龍文鞭影試準晒 尾關最緊要醒目

本期三T有多寶，注碼自然要擰住嚟玩。頭關第五場馬少少只得十隻，「跨境寶馬」嚟到香港3戰2冠1亞準到爆，今次潘頓接手應該穩陣。「嘉應奇兵」夠快腳，今季贏兩場都係咬靚位跑，上次叫完當係一場熱身賽，今次潘明輝親自試埋草開先跑，誠意十足，呢兩隻馬可以玩雙膽。至於一對初出新兵「正極」同「雙星報喜」試開表現睇嚟狀態都係初起階段，勝在自購馬喺外地有出賽經驗，分分鐘咁聲咁聲、嚇你一驚。

### 精算特殊演出準

次關第六場似乎係亂局，「準輝煌」本來演出幾準，最弊個電腦有緣，今次又抽外檔，可能只係二二三三，但三T入到三甲已經完成任務！配腳不妨多幾隻，「龍文鞭影」前仗已經試準咗，上場熱唔透果然唔掂，今次換班德禮配搭似樣，「精算特殊」近排演出幾準，排1檔溫到位置，都幾有威脅。「八正道」最近試開有進步，「縱橫天下」落到四班硬淨，都可以擇嚟做腳。

三T提供(160注)		
第五場	第六場	第七場
2 跨境寶馬	3 準輝煌	3 紅衣醒目
6 嘉應奇兵	1 縱橫天下	6 紫荊拼搏
1 正極	7 龍文鞭影	1 進傲星
7 雙星報喜	11 精明選擇	8 錶之星球
8 七彩雲球	12 精算特殊	11 喜勝駿駒
9 極速贏	14 八正道	13 銳一
(4注)	(10注)	(4注)

紅字為馬膽

尾關第七場「紅衣醒目」係羅維今季矚目新星，上場贏起嚟有說服力，希望田泰安跑得淡定啲，三甲應該好Easy。「紫荊拼搏」亦係希底今季王牌新馬，可惜心律不正影響成就，今次用潘頓似乎唔計賠率，最緊要贏馬交代。

## 告東尼最鍾意奔放

告東尼馬房「奔放」嚟到香港之後，好快就適應水土，第一次田草1200米只係輸2.5馬位，再熱身一場就跳上田草1800米出擊，班德禮一路操控住步速，拉士先至頂唔住跑第三，睇番呢場「遙遙領先」、「平凡騎士」同「共享富裕」跟住再出都跑得近甚至贏馬，證明呢場水準都算幾堅。

「奔放」跟住跑三場似乎仲試緊馬，上場起步慢開，拖到差唔多包尾跑，直路好遲先追上嚟跑第7，只係輸3個馬位鬆响，今次只要鍾易禮起步醒神，有機會爆冷。



●「奔放」狀態漸入佳境，隨時出招。

冷門WP	
第十場	10 奔放

## 第八場玩一對南美馬



今期六寶獎有多寶，先揀兩隻重心出嚟，將注碼留畀其他場次，希望博到冷門。第八場雖然告東尼出三隻，但「錶之五知」同「當年情」重磅兼有今季Form，所以主力應該係「又龍申鳳」，話晒曬過2400米智利打吡。「愛心神駒」嚟自阿根廷，贏過2400米卡洛貝格國際大賽，呢關一於玩一對南美馬博賠率。

### 一定超增程仲正

第九場「一定超」雖然跑姿古怪，但質素認真唔簡單，前次初出試準，上場即刻落飛搏殺，點知追唔到「嘉冠王」跑第二，今次游達榮幫佢報1400米，應該更加啱佢追，有機會入凱旋門威番次。

第十一場「神馳」同「膨才」頂重磅始終

六環彩 (24注) 三寶 (2注)		
第六場	第七場	第八場
3 準輝煌	3 紅衣醒目	3 又龍申鳳
7 龍文鞭影	6 紫荊拼搏	6 愛心神駒
12 精算特殊		
第九場		
5 一定超	9 金主	9 元朗精英
第十場		
	10 奔放	
第十一場		

唔穩陣，呢場揀楊明倫隻「元朗精英」，跑法靈活排5檔好好跑。

## 天天更好初出即食



今期混合過關頭關揀第二場五班1200米，「文明福星」上次做行野落五班搏殺，艾道拿咬住個食胡位，點知唔過到游達榮隻「帝豪歡星」，返到嚟解較見到希斯個表情，都感覺到佢幾失望，今次繼續返從化吸仙氣，縮程跑1200米留後爆一段，有機會入三甲。「夢幻駿駒」今季狀態一早嚟咗，暫時跑到四個位置，今次落番五班兼用布文，擺明車馬想贏馬交代。「威力勇驥」四歲馬初起，換潘明輝排3檔，絕對唔可以睇小。

第三場「天天更好」父系「夏姆斯獎」嚟香港有唔少子嗣都早熟，呢隻羅維3歲仔二月嚟從化試開已經騷晒你睇，返到香港潘頓接手試開點到即止，超班馬排8檔有問題，捧單W。



●「天天更好」從化試開表現出色。

### 跨境寶馬門奇兵

第五場「跨境寶馬」嚟到香港好有星味，跑三場擇到2冠1亞，上場布文輪在太老定，今次蔡神仙溫潘頓出馬，梗係想補中。「嘉應奇兵」好有卡士而且夠快腳，上場抖完復出都輪唔遠，今場可以撼「跨境寶馬」。

混合過關3×4 (19注)		
第二場 QQP	第三場 W	第五場 Q
1 文明福星	4 天天更好	2 跨境寶馬
2 夢幻駿駒		6 嘉應奇兵
5 威力勇驥		

## 皇太后紀念盃 告仔上屆威盡

皇太后紀念盃歷史悠久，上世紀八十年代，馬會為慶祝伊莉莎白王太后80歲壽辰，獲准設立皇太后盃，首屆1982年由「奪獎」勝出。上屆告東尼雙龍出海，直路「當年情」與「錶之五知」鬥得難分難解，結果終點前「當年情」以頸位擊敗底侶捧盃，包辦東廐WQ。

今屆皇太后紀念盃只有六駒列陣，當中三駒來自東廐，包括「錶之五知」、「當年情」及「又龍申鳳」，告東尼當然希望延續皇太后紀念盃之佳績。



●「當年情」(右)與「錶之五知」上季皇太后紀念盃為告東尼馬房構成馬房連贏。

## 神級靚位例不虛發 佳福駒易廐可出頭



周日跑田草B欄，全日兩場1600米賽事，根據統計，今季此程B欄僅作賽15場，當中上名率最高包括1、10及12檔，同為33%，並非太過突出，但有趣的是10檔的上名率與勝出率原來是一樣，即是每次上名都例不虛發，開W而歸，合共跑了12場錄得4冠；周日第六場的四班1600米跑九龍木球會百週年紀念盃，10檔的「佳福駒」應該頗有分頭，冷味十足。

六歲馬「佳福駒」去年四月第604場取得了此馬在港唯一頭馬，正是在田草1600米贏出。當日此馬仍是巫傑僕旗下，由田泰安操刀取勝，但其加份後表現回落，到今季也是場場跟跑，幕後為求突破，在今年初選擇轉馬房到文家良旗下，到三月起出賽兩場，都是大敗的13個馬位而歸，但要留意是，此馬由前戰轉倉後首戰跟跑大敗，到上場改回前

置跑，只是末段乏力敗陣，表現有明顯進步，6歲馬其實不會退化太多，目前評分跌至40分，較上季贏馬時還低9分，今場再找來今季手風不俗的楊明倫一試，負輕磅如能放頭跑，配上無寶不落的10檔，隨時能帶來驚喜。

### 渾身解數 天將龍駒勢添食

同日賽事有不少值得留意靚檔，頭場新馬1000米，今季此程B欄7檔勝出率及上名率分別高達31%及54%，合共13戰錄得4冠1亞2季，今場7檔正是擂台「渾身解數」，不難再添勝仗。

另外2000米B欄今季僅戰7場，以1檔成績最為突出，共取得2冠1亞1季，勝出率與上名率分別為29%及57%，周日第十場跑三班2000米，1檔的「天將龍駒」剛戰1800米贏馬開齋，今場增程至2000米亦會合跑，馬質超班，又得靚位，可望輕鬆再捷。

田草1600米B賽道檔位統計								
檔位	出賽	冠	亞	季	殿	勝出率	入O率	上名率
1	15	2	3	0	2	13%	33%	33%
2	15	0	0	3	1	0%	0%	20%
3	15	1	3	0	3	7%	27%	27%
4	15	0	4	0	2	0%	27%	27%
5	15	0	1	2	1	0%	7%	20%
6	15	1	1	2	1	7%	13%	27%
7	14	1	0	2	0	7%	7%	21%
8	13	2	0	0	2	15%	15%	15%
9	13	2	1	1	0	15%	23%	31%
10	12	4	0	0	1	33%	33%	33%
11	12	2	0	0	0	17%	17%	17%
12	12	0	2	2	0	0%	17%	33%
13	10	0	0	2	1	0%	0%	20%
14	9	0	0	1	1	0%	0%	11%

## 馬會網店推母親節優惠 孝心馬迷好選擇

母親節優惠 Mother's Day OFFER 1-11/5 網店獨家 eShop only

- 優惠OFFER 1: 超過20件指定商品 減至4折 (優惠期: 4月29日-5月11日) Items up to 60% off
- 優惠OFFER 2: 購買指定夢幻小馬公仔可享免費編名服務一次 (價值\$30) + FREE Embroidery Service on designated The Ponyland plush (value \$10)\*
- 優惠OFFER 3: 母親節套裝 減至48折 (優惠期: 4月29日-5月11日) Mother's Day sets available as up to 52% off (limited to 3 styles, stock only)
- 優惠OFFER 4: 多消費滿\$500送指定2024年沙莎婦女銀袋日一心掛掛飾一個 (價值\$68, 款式隨機派發, 數量名額: 20) 同場亦有超過20款指定產品以4折發售! 購買指定夢幻小馬公仔可享免費編名服務一次 (價值\$30; 夢幻小馬公仔免費編名服務只限附有馬鞍的指定公仔款式)。產品數量有限, 售完即止。

●馬會網店推出大量不同優惠。

馬會網店推出母親節套裝, 最合時宜。

網店限定 ONLINE ONLY 母親節套裝A Mother's Day Bundle Set A

48折套裝價 52% OFF Set Price (原價SRP: \$1072) \$510

「世上只有媽媽好，馬迷的媽媽像個寶！」一年一度的母親節將在下周日來臨，馬會當然識做，將下星期的賽馬日改為周六(10日)跑，讓各位馬迷能與家人能在周日好好歡度佳節。與此同時，香港賽馬會的「馬場有禮」網店亦宣布，將推出網店限定的母親節四重優惠益馬迷，有興趣朋友可登入馬會網店，選購精品獻給摯愛的母親。



●買個包包給媽媽，都有折扣。

馬會昨日在官方社媒宣布，「馬場有禮」推出了網店限定的母親節四重優惠，由即日起至5月11日，「馬場有禮」網店將推出限定母親節套裝低至48折(限量3款，每款3件)。淨消費滿500港元即送指定2024沙莎婦女銀袋日一心掛掛飾一個(價值\$68, 款式隨機派發, 數量名額: 20)，同場亦有超過20款指定產品以4折發售! 購買指定夢幻小馬公仔可享免費編名服務一次(價值\$30; 夢幻小馬公仔免費編名服務只限附有馬鞍的指定公仔款式)。產品數量有限, 售完即止。

此外，網店限定禮遇還包括如網購店取訂單送85折網店優惠券及指定冠軍名駒收藏筆一支

(隨機派送)，而於「馬場有禮」網店消費折實滿300港元，更享本地免費運費優惠；以至訂閱「馬場有禮」，即享50港元網店電子現金券等，詳情可到馬場有禮網店選購，一切優惠以馬會官方公布為準。

### 女士配飾系列多選擇

值得一提的是，近年馬會積極加強網店的產品與服務，不少大賽都有專屬禮品，相當吸引。除今次的母親節系列之外，其實網店本身都有大量女士配飾可以選取，包括時尚首飾及鐘錶時計等，相信必有一款可作為母親節禮品心水。

## 晨操系列: 試開陷阱V

「晨操之星」顧名思義是指在晨操經常表現出躍躍欲試，走勢急勁的「勤力」馬，但是這類型的馬是來自羅口敏感，而非身上四肢強勁的力量，所以多數在陣上未必交出成績，可謂是虛有其表而已。我會形容「晨操之星」是「馬場騙子」，如果你沒有長時間留意牠們出跳的形態，或許會誤以為牠們狀態很好，渾身是勁而投注，近期有一匹全熱門「嘉應駿昇」便是其中一員，晨操快跳不時間快時間，鞍上人捉到手震震，試開輕鬆一放到底，實則根本是不懂放鬆，過於重口，接着初出沿途走勢欠順，鞍上人難以操控，結果呼吸不暢順引致喘鳴復發，更大敗而回呢！



●「嘉應駿昇」(紅帽)是試開之星，但1.9倍大熱初出大敗而回。